

Messa ell'enzenna dalla glisch

Text da Tarcisi Hendry, Sedrun

Cloms

Sogn Bab nus encurin Tia glisch,
che tegn, quietescha e dat curascha a nus.
Bab, pren puccau

Sogn Fegl, nus encurin Tia glisch
ch'accumpogna, schurmegia e lai buca curdar nus.
Sogn Fegl, pren puccau.

Sogn Spért, nus encurin Tia glisch,
che muossa la via, dat forza ed inspirescha nus.
Sogn Spért, pren puccau.

Laud

Segner Bab,
Nus ludein Tei,
pertgei Ti eis glisch.
Nus engraziein a Ti
che Ti laias prender part nus da quella glisch.
Nus rughein Tei,
tarmetta Tia glisch en nus ed entuorn nus.
Bab, Ti nies scaffider. Amen

Sogns

Jesus Cristus,
nus ludein Tei,
pertgei Ti has detg:
Jeu sun la glisch dil mund.
Nus engraziein a Ti,
pertgei Ti has detg: Vus essas la glisch dil mund.
Nus rughein Tei,
tarmetta la glisch als carstgauns che vivan el stgir.
Laud a Ti Jesus Cristus.

Preparaziun

Sogn Spért, pren puccau da nus
ed illuminescha nus.

Sogn Fegl, pren puccau da nus
e meina nus.

Sogn Bab, dai la pasch
e tarmetta Tia glisch sil mund a tuts carstgauns.

Cant final

Sogn Bab, nies scaffider.

Sogn Cristus, nies spindrader.

Sogn Spért, nies sanctificader.

Benedi, schurmegiei ed accumpignei nus tuts.

La glisch dil Bab, dil Fegl ed dil Sogn Spért. Amen

17.12.2019